

EILANDSRAAD VAN ARUBA
NOTULEN 1981 NO. 2

N O T U L E N
van de openbare vergadering van de Eilandsraad
op maandag 19 januari 1981, des morgens om 9.00 uur. 1)

Behandelde Onderwerpen:

1. Het opnieuw stemmen over de in de zitting van 13 januari 1981 behandelde motie met betrekking tot de Aruba Sport Unie. 2)
2. Standpunt van de diverse fracties in de Eilandsraad met betrekking tot de toekomstige Staatkundige Structuur van Aruba met het oog op de aanstaande Ronde Tafel Conferentie.
 - 1) Deze vergadering werd ingevolge artikel 28 van de Eilandenregeling Nederlandse Antillen aangevraagd door de Raadsleden M.I.Bislip, G.F. Croes en C.B.Boekhoudt.
 2. De aandacht wordt gevestigd op het bepaalde in artikel 43, lid 3, van de E.R.N.A.

VOORZITTER: F.D.FIGAROA, Gezaghebber van het Eilandgebied Aruba.

SECRETARIS: A.J.BOOI, Secretaris van het Eilandgebied Aruba.

AANWEZIG ZIJN DE LEDEN: J.F.BARENO, M.I.BISLIP, C.B.BOEKHOUDT, F.H.CROES, G.F.CROES, J.H.A.FMAN, F. FLANEGIN, J.R.FRANK, P.P.KELLY, V.KOCK, C.F. LACLE, D.I.LEO, R. LOPEZ-HENRIQUEZ, B.J.M.NISBET, N.O.ODUBER, F.E.A.DE PALM, J.C.RASHIJN, D. TROMP, E.J.VOS.
Alsmede Gedeputeerden, MEJ. G. BARENO, R.R.ZAANDAM.

AFWEZIG ZIJN DE LEDEN: H. ANGELA, P.BISLIP.

De vergadering wordt om 9.00 uur door de Voorzitter geopend.

DE VOORZITTER: Mi ta habri e reunion y mi ta pidi atencion pa e Himno di Aruba.

Hierna wordt het "Aruba Dushi Tera" gespeeld.

DE VOORZITTER: Danki. Nos ta bay over na tratamiento di agenda, punto no. 1.

DE HEER R. LOPEZ-HENRIQUEZ: Punto di Orden, Señor Presidente. Mi kier a trece dilanti cu mi no ta completamente di acuerdo cu e procedura cu a worde sigui biaha pasá tocante di e mocion aki.
Nos por corda despues cu e mocion a worde tratá den primera y segunda vuelta, a bin un proposicion pa retirá e mocion aki. Y completamente corecto Bo a bisa, cu e proposicion aki a bira entretanto un mocion di Raad.
Pero, inmediatamente despues Bo a pasa pa votacion ariba e mocion. Mi ta ke- re cu aki tabata tin un cos incorrecto, e mester a keda determiná promé, si Raad ta contra pa retirá e mocion sí of no.
Anto ora a bin un decision cu Raad ta contra pa retirá, anto e ora ey mes- ter a procedé na votacion. E cos aki por zona manera pikimento di pieuw, pero ta bon pa nos sigui reglanan di wega pa evitá precedente.
Ningun momento Raad a dicidí cu nan no kier pa retiré, Bo a procedé inmedia- tamente ariba votacion over di e mocion.

DE VOORZITTER: En todo caso lo mi tene cuenta cuné, pero ya e ta den votacion caba. Por ta cu nos tin cu vota di nobo ariba djé.

Esun cu ta vóór ta bay di acuerdo cu e mocion, esun cu ta contra ta contra e mocion.

VOOR STEMMEN DE LEDEN: J.H.A.EMAN, J.R.FRANK, R. LOPEZ-HENRIQUEZ, J.F.BARENO, F.E.A.DE PALM, D. TROMP, B.J.M.NISBET, E.J.VOS, V.KOCK.

TEGEN STEMMEN DE LEDEN: F.H.CROES, G.F.CROES, M.BISLIP, N.O.ODUBER, C.F.LACLE, D.I.LEO, F.FLANEGIN, C.B.BOEKHOUDT, P.P.KELLY.

DE VOORZITTER: Resultado di e votacion ta 9 - 9.
Mi ta schors e reunion un rato asina.

- - - - -

DE VOORZITTER: Mi ta reanudá e reunion, e votacion ta empatá y un otro votacion lo tuma lugar den un otro reunion cu lo worde yamá. Danki.

DE HEER E.J.VOS: Punt van Orde, Señor Presidente. Pa buena marcha di nos reunionnan nos por a constata cu ta despues cu e bola a worde sacá y number 4 a worde mencioná door di Bo persona, dus e votacion a cuminzá, despues di esey Señor Frank Croes a firma.

Pues nos ta considerá cu e la firma ora cu e votacion a cuminzá caba, locual biahá pasá Bo mes a pone como regla, no ta valido. E persona ey no mag vota si encaso e bola worde sacá promé cu e firma, esey a worde bisá.

Dus den e caso aki, nos eigenlijk mester a conta cu Señor Frank Croes no tabata tin mag di vota.

Esaki ta un remarka di nos banda, mi ta spera cu den un Commissie van Overleg nos por regla e asuntonan aki pa e no ripiti.

Nos a bolbe constata awe, cu ora cu oposicion firma, nos a ripará cu atrobe miembronan cu ta sostene e Gobierno a schrap nan nomber kitando atrobe e quorum. Nos mester bay pone e reglanan, pasobra esaki ta bolbe bira un wega, cu ora Gobierno weita cu oposicion ta completo, nan ta schrap nan nomber pa e quorum no worde lográ.

DE VOORZITTER: Danki, Señor Vos. Señor Nisbet.

DE HEER B.J.M.NISBET: Geen behoefte.

DE HEER G.F.CROES: Señor Presidente, berdaderamente nos ta abogá pa un reunion pa nos yega na un clarificacion di varios punto cu ta keda vago pa nos.

Sin embargo, si acaso di parti di oposicion nan tin cualkier punto di orden, nan mester haci e punto di orden na e momento ey promer cu cualkier acto aki-den tuma lugar y no despues cu e votacion a tuma lugar.

DE HEER E.J.VOS: Señor Presidente, esaki nos no a haci pa no haci interrupcionnan innecesario.

DE VOORZITTER: Danki. Nos ta pasa over pa tratamiento di number 2 di agenda awe.

2. Standpunt van de diverse fracties in de Eilandsraad met betrekking tot de toekomstige Staatkundige Structuur van Aruba met het oog op de aanstaande Ronde Tafel Conferentie.

DE HEER G.F.CROES: Den fin di siman tabata tin un reunion entre un comision consistiendo di exponentenan di Camara di Comercio, Sindicato y Clero conhuntamente cu e lidernan di fraccionnan aki den Eilandsraad y e intencion ta pa trata di yega na mehorá e ambiente cu a worde mas of menos dañá den un reunion di Raadscommissie, despues cu tabata tin un programa di television, na unda a worde constatá cu convenionan a worde kibrá.

Envista di e intentonan aki pa purba drecha e clima politica aki dilanti di e Conferencia di Mesa Redonda, nos ta bin cu un proposicion di orden pa sugeri Señor Presidente, pa pospone e tratamento di e reunion aki, conserniente e topico aki, pa asina nos continuá cu e deliberacionnan aunque cu nos lo tuma contacto cu Señor Presidente, pa nos por weita ki dia e reunion por continuá, comoquiera cu tin decisionnan cu mester worde tumá pa e Ronde Tafel Conferentie.

Pues nos proposicion di orden awe tá, pa nos posponé e tratamento di e punto di agenda aki.

DE VOORZITTER: Señor Croes, segun mi ta comprendé cu lo tin conversacionnan ta tuma lugar y cu e reunion aki lo mester tuma lugar promer cu Ronde Tafel Conferentie.

Pakiko nos no ta haci lo siguiente: mi ta habri deliberacion y mi ta seré y si e miembronan ta haya necesario cu mester bin un reunion, nan ta yama un reunion di nobo. Ya mi no ta keda pendiente cu e storia aki.

DE HEER G.F.CROES: Nos ta bay di acuerdo cu Bo proposicion, Señor Presidente.

DE VOORZITTER: Bueno Señores, mi ta habri e deliberacion, comoquiera cu ningun hende no a inscribí, mi ta sera e deliberacionnan y mi ta sera e reunion, yamando bosonan tur danki y mi ta pidi atencion pa e Himno di Aruba.

Hierna wordt het "Aruba Dushi Tera" gespeeld.

DE VOORZITTER: Danki, y mi ta sera e reunion.

De vergadering wordt door de Voorzitter op 19 januari 1981 om 9.20 a.m.gesloten

Aldus vastgesteld in de vergadering van.....

DE VOORZITTER,

DE SECRETARIS,

